



# **LAPORAN LIPUTAN MEDIA**

**SELASA / 19 MAC 2019**

- 1. PETANI BIMBANG RUGI BESAR**
  - **HARIAN METRO**
  
- 2. TIDAK BERI KESAN BESAR KEPADA PENTERNAK IKAN DAN PETANI**
  - **SINAR HARIAN**
  
- 3. JANGAN TANGKAP IKAN TEMELIAN**
  - **SINAR HARIAN**

**DISEDIAKAN OLEH :**  
**CAWANGAN KOMUNIKASI KORPORAT**  
**(MADA)**

KERATAN AKHBAR : HARIAN METRO

TARIKH : 19 MAC 2019

PERKARA : PERTANIAN



MOHD Razman mengorek kolam untuk mengairi tanamannya di Kampung Bendang Pak Yong.



MOHD Razman menunjukkan tanah kering ketidadaan air.



#### Tumpat

### Petani bimbang rugi besar

Seorang petani di Kampung Bendang Pak Yong di sini, melahirkan kebimbangan berdepan kerugian besar sekiranya kemarau berlarutan.

Mohd Razman Aziz, 41, berkata, dia mula menanam kunyit, tembikai, tebu dan ubi kayu di tanah seluas enam hektar sejak awal tahun ini terpaksa mengeluarkan modal tambahan untuk mengairi tanamannya.

Katanya, dia terpaksa menggali telaga untuk mengairi tanaman kunyitnya kerana musim kemarau yang berlarutan sejak beberapa bulan ini.

"Saya sudah berhabis RM15,000 untuk memulakan penanaman sejak Januari lalu dan kos

bertambah untuk menggali telaga serta membeli sebuah enjin bagi mengepam air untuk tanaman kunyit serta tembikai.

"Separuh daripada tanaman tebu kering kerana kekurangan air kerana enjin mengepam air dari tali air terpaksa digunakan secara bergilir dengan tembikai," katanya di kebun kunyitnya di sini.

Memurutnya, dia juga bimbang sekiranya kemarau berpanjangan, ia akan turut menjejaskan sawah padinya seluas dua hektar dan ternakan itik.

"Saya hanya mampu berdoa supaya kemarau tidak berpanjangan hujan dalam masa terdekat," katanya.

“ Saya sudah berhabis RM15,000 untuk memulakan penanaman sejak Januari lalu dan kos bertambah untuk menggali telaga serta membeli sebuah enjin bagi mengepam air untuk tanaman kunyit serta tembikai”

Mohd Razman Aziz

**KERATAN AKHBAR : SINAR HARIAN**

**TARIKH : 19 MAC 2019**

**PERKARA : ISU SEMASA**

---

SINAR HARIAN • SELASA 19 MAC 2019

**PENCA**



Tinjauan dari udara memperlihatkan keadaan Sungai Kim Kim di Pasir Gudang, semalam.

### Tidak beri kesan besar kepada penternak ikan, petani

**PUTRAJAYA** - Pencemaran sisa bahan kimia di Sungai Kim Kim, Pasir Gudang, Johor, tidak memberi kesan besar kepada penternak ikan dan petani di kawasan sekitar.

Menteri Pertanian dan Industri Asas Tani, Datuk Salahuddin Ayub berkata, laporan awal daripada tinjauan Lembaga Kemajuan Ikan Malaysia (LKIM) mendapati, hanya beberapa pengusaha ikan sungai menyatakan pendapat mereka sedikit terjejas berikutan pencemaran tersebut.

"Setakat ini, tidak ada tanda-tanda besar melibatkan ikan dan sayur-sayuran. Saya telah minta pemantauan serius dibuat dan laporan terkini diumumkan," katanya selepas melancarkan kempen pengharaman racun Paraquat, di sini, semalam.

Salahuddin berkata, pihak kementerian akan menyalurkan bantuan jika penternak ikan dan petani mengalami kesan daripada insiden itu.

Sementara itu, ditanya isu bantuan baja tambahan kepada 322,000 pesawah seluruh negara, Salahuddin berkata, proses pengagihan telah selesai. - *Bernama*

KERATAN AKHBAR : SINAR HARIAN

TARIKH : 19 MAC 2019

PERKARA : PERIKANAN

# Jangan tangkap ikan temelian

Lelaki diberi amaran Jabatan Perikanan Pahang bulan lalu

NORAWAZNI YUSOF

KUANTAN

Jabatan Perikanan Pahang mengeluarkan amaran terhadap seorang penduduk Ulu Tembeling, Jerantut kerana menangkap ikan temelian bulan lalu.

Pengaruhnya, Azahari Othman berkata, pihaknya telah bertemu dengan lelaki terbabit bagi tujuan sias-

tan, sebelum tindakan undang-undang dikenakan terhadapnya.

Menurutnya, tiada sebarang tangkapan dibuat, sebaliknya pemantauan terhadap lelaki terbabit disebabkan kekurangan bukti untuk mengheretnya ke mahkamah.

"Aktiviti menangkap ikan ini banyak berlaku di Sungai Pahang, Sungai Jelai dan Sungai Tembeling kini setiap kali tiba musim bertelur di beberapa kawasan lubang dan air cetek.

"Ini disebabkan permintaan yang tinggi daripada penggemar ikan terbabit," katanya dalam satu kenyataan, semalam.

Beliau sebelum ini memberitahu, ikan jenis berkenaan yang mencapai berat 25 hingga 30 kilo-



Azahari (kanan) menunjukkan induk ikan temelian seberat 15 kg yang terdapat di Pusat Pengembangan Akuakultur Perik.

gram (kg) dilarang ditangkap bermula Ferbuari hingga akhir bulan depan.

Jelasnya, amaran itu telah dibuat pada awal bu-

lan lalu bagi meminta orang ramai tidak menjalankan aktiviti penangkapan ikan jenis tersebut.

Dalam pada itu, Azaha-

ri berkata, individu yang ingkar boleh dikenakan tindakan dibawah peraturan Kaedah-Kaedah Perikanan (Perairan Sungai)

1991 Pahang.

Katanya, individu yang menangkap ikan temelian dalam tempoh larangan boleh dikenakan kompaun RM100 dan peralatan menangkap ikan mereka dirampas.

Selain itu, beliau berkata, lebih 40 papan tanda telah di sepanjang Sungai Pahang, Sungai Tembeling dan Sungai Jelai sebagai peringatan kepada pihak berkaitan supaya tidak melakukan aktiviti menangkap ikan temelian selama tiga bulan (Ferbuari-April).

"Kita juga menubuhkan pasukan pemantau media sosial seperti Facebook, WhatsApp dan Instagram untuk mengesan gambar ikan temelian yang muat naik oleh individu tertentu," katanya.

SH 19.3.19.